

Na osnovu člana 69. stav (2) tačka d) Zakona o javnim nabavkama („Službene glasnik BiH”, broj 39/14), Vlada Bosansko-podrinjskog kantona Goražde, na 90. redovnoj sjednici, održanoj dana 27.01.2017.godine, **d o n o s i:**

## **O D L U K U**

o poništenju postupka javne nabavke usluga tekućeg održavanja zgrada  
u vlasništvu Bosansko-podrinjskog kantona Goražde

### **Član 1.**

Poništava se postupak javne nabavke usluga tekućeg održavanja zgrada u vlasništvu Bosansko-podrinjskog kantona Goražde, jer nijedna od primljenih ponuda nije prihvatljiva.

### **Član 2.**

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, uz istovremeno upućivanje svim ponuđačima koji su učestvovali u predmetnom postupku javne nabavke, a naknadno će se objaviti i u „Službenim novinama Bosansko-podrinjskog kantona Goražde“.

## **O b r a z l o ž e n j e**

Predmetni postupak nabavke pokrenut je Odlukom Vlade Bosansko-podrinjskog kantona Goražde o ponovnom pokretanju postupka javnih nabavki, br.03-14-1151/16 od 14.07.2016.godine i br.03-14-1469/16 od 09.09.2016.godine.

Procijenjena vrijednost nabavke iznosila je 90.000,00 KM.

Javna nabavka provedena je putem otvorenog postupka.

Obavještenje o nabavci, br.978-1-2-5-3-16/16 poslano je na objavu dana 06.10.2016.godine, te je istog dana i objavljeno na Portalu javnih nabavki.

Sažetak Obavještenja o nabavci objavljen je u „Službenom glasniku BiH”, br.77/16 od 14.10.2016.godine.

Komisija za provođenje postupka zajedničke javne nabavke u Bosansko-podrinjskom kantonu Goražde, imenovana Rješenjem br.03-14-90/15 od 22.01.2015.godine, (u nastavku: Komisija) je u svom Izvještaju o radu, br.03-14-1151-81/16 od 05.12.2016.godine iznijela podatak da je po objavi odgovarajućeg obavještenja o nabavci blagovremeno pristigla samo jedna ponuda, i to privrednog društva “GORAŽDESTAN” d.o.o. GORAŽDE.

Međutim naknadnim uvidom i pregledom dostavljene ponude utvrđeno je da istu treba odbaciti jer nije priložena potvrda/izvještaj Centralne banke BiH o računima pravne osobe, a koja je izričito tražena tačkom 3.3.2 Tenderske dokumentacije, br.03-14-1151-36/16 iz oktobra 2016.godine. Navedeni ponuđač priložio je samo potvrdu jedne poslovne banke (“PBS” d.d. Sarajevo) o tome da mu transakcijski račun u toj banci nije u blokadi, čime nije u potpunosti ispoštovao navedenu odredbu TD i onemogućio je ovaj ugovorni organ da izvrši potpunu provjeru činjeničnog stanja u pogledu njegove ekonomsko-finansijske sposobnosti.

Uzimajući u obzir naprijed navedeno, a primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

**V L A D A  
BOSANSKO-PODRINJSKOG  
KANTONA GORAŽDE**

*Broj: 03 – 14 – 59 / 17  
27.01.2017.godine  
G o r a ž d e*

**P R E M I J E R**

*Emir Oković*